

Nunat Aqqinik Aalajangiisartut
Marsip 31-anni 2011-mi aprilillu 7-anni 2011-mi
Oqaasileriffimmi ataatsimiinnerat

Marsip 31-anni 2011-mi ataatsimiinnermi:

Peqataasut: Carl Christian Olsen, Tukummeq Qaavigaq aamma Lotte Holm.

Allatsi: Lisathe Møller Kruse.

Peqataanngitsut: Abia Abelsen pikkorissarninni pissutigalugu peqataanngilaq, Stephen Heilmannilu Qaqortumiinnini pissutigalugu peqataanani.

Aprilip 7-anni 2011-mi ataatsimiinnermi:


Peqataasut: Carl Christian Olsen, Tukummeq Qaavigaq aamma Lotte Holm.

Allatsi: Lisathe Møller Kruse

Peqataanngitsut: Abia Abelsen Danmarkimiinnini pissutigalugu peqataanngilaq, Stephen Heilmannilu napparsimanini pissutigalugu peqataanaani.

Oqaluuserineqartut makkuupput:

1. Tikilluaqqusineq
2. Imaqarniliap akuerinera (*marsip 10-anni ataatsimiinnermit imaqarniliaq*)
3. Kullorsuup ilisarnaataata Toornaarsuup Kullorsuanik taaneqartarnera
4. Aatsitassanut Ikummatissanullu Pisorta qarfirmiit saaffiginnissut
 - i. *Maniitsup kujataatungaa kujataatungaatalu timaa*
5. Sisimiut eqqaanni nunat aqqi nalunaarsukkat misissorlugillu akuerinissaat (*nunat aqqi nalunaarsugaatiginikuunngisavut 664-t missaanniittut akuerisussaassavasi, taakkulu saniatigut mapinfo-mi nunat aqqi inissilluakkat 649-t missaanniittut misissuataartussaallusigit*)
6. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

2. pillugu –

Marsip 10-anni 2011-mi Nunat Aqqinik Aalajangiisartut ataatsimiinnerannit imaqarniliaq akuerineqarpoq.

3. pillugu –

Kullorsuup ilisarnaataata qaqaasup “Toornaarsuup Kullorsua”-nik taaneqartarnera pillugu Nunat Aqqinik Aalajangiisartut eqqartuippat. Erseqqissarpaallu pisortatigoortumik qaqqarmut pineqartumut nunap aqqa akuerisaq tassaasoq **Kullorsuaq**.

4. pillugu -

Aatsitassanut Ikummatissanullu Pisortaqaarfimmiit saaffiginnissut Nunat Aqqinik Aalajangiisartunit eqqartorneqareerluni una akuerisaasumik taaguutissatut aalajangerpaat:


i. Fil: Stednavn.pdf

Sulussugut (*Maniitsup kujataatunga
kujanaatungaatalu timaa*)

5. pillugu -

2010-mi juulip qaammataagaa Judithe Denbæk Carl Christian Olsenilu Sisimiunukarput nunat aqqinik nalunaarsuiartorlutik. Oktoberimilu nunat aqqinik nalunaarsuiartorneq Lisathe Møller Kruse-mit nangikkiartorneqarlunilu naammassineqarpoq.

Sisimiuni nunat aqqinik nalunaarsuinermi nunat aqqinik ilisimasallit uku suleqatigineqarput: Jafet Davidsen, Akisooq Olsen, Tobias Olsen, Seth Berthelsen, Seth Olsen, Herjulf Silassen, Simon Fontain, David Johansen, James Davidsen, Lars Johansen, Ove Johansen, Christian Lennert, Assa Enoksen, Gertheeraq Dahl, kiisalu Anton Inuusuttoq. Suleqatigisatta saniatigut nunat aqqi nalunaarsoriikkat Sisimiut Katersugaasivianiittut atorsinnaasimavagut nunallu aqqinik



nalunaarsuiffigisartakkatsinnut ilanngussorlugit. Kristoffer Heilman taamatut suliniuteqarnerata kinguneranik nunat aqqi arlallit taamaalilluta aamma pissarsiaaraagut, naak nunat aqqinik nalunaarsueqataasa ilai toqoreeraluartut. Kristoffer Heilmannip suleqatigisimasai tassaapput: Ulrik Lennert, Anda Davidsen, Jakob Enoksen, Jens Olsen, Geertheeraq Dahl namminerlu. Sisimiuniinnermi nunat aqqi katersukkat nalunaarsugaatigisimanngisaraluagut **567**-it nutaatut nalunaarsorneqarput, Nunallu Aqqinik Aalajangiisartunit akuerineqarlutik. Nutaatut nalunaarsorneqartut akuerineqartullu ilaliussami ima atilimmiipput: Sisimiut eqqaanni nunat aqqi nalunaarsukkat.xps.

Saniatigut nunat aqqi naqqiissutit **113**-it Nunat Aqqinik Aalajangiisartunit aaqinneqarlutillu akuerineqarput. Taakku aamma imatut atilimmiipput: Sisimiut eqqaanni nunat aqqi nalunaarsukkat.xps.


Nunat aqqinik ilisimasalinnit naqqiissutaagaluartut Nunat Aqqinik Aalajangiisartunit akuerineqanngitsut allanngortinneqanngitsullu **23**-upput. Taakku aamma qulaani pineqartumiipput. Nunat aqqi Nunat Aqqinik Aalajangiisartunit akuerineqanngikkallartut nunallu aqqinik katersinermi suleqatigisimasanut apeqqutigisassat **aqqaniliupput**, ukuullutik:

- Assa Enoksenimut apeqqutigisassat:


- “Kangerluarsuk”-mik ateqartutut nalunaarsugaataareersoq Pujulli “Kangerluarsua”-nik ateqartutut eqqaamasaa paasiniarneqassaaq (*Itillip avannaatungaaniittoq kangerluk pineqarpoq*).

- Ikertuup qinnguani kujallermiittoq nuuit marluk imminnut qanittut “Qernertuarsuit”-nik ateqartutut nalunaarutigineqartut eqqortuunersut paasiniarneqassapput. Aappaa avannarliusoq nalunaarsugaataareersuni “Qernertuarsuk”-mik nalunaarsoqqasoq, Herjulf Silassenimit Assa Enoksenimillu “Qernertuarsuit”-nik ateqartutut naqqiissutigineqarpoq. Assa Enoksenilli aamma “Niaqornannguaq”-mik ateqartutut naqqiissutigisimavaa. Nuuit taakku marluk qanorpiaq ateqarnersut paasiniarneqassapput.

- Ikertuup qinnguani kujallermiittut sumiiffiit marluk imminnut qanittut “Illernat”-nik ateqartutut nalunaarutigineqarsimasut arlaat eqqortuunersooq paasiniarneqassaaq. Aappaa kujalliusooq nalunaarsugaataareersuni “Miaggup Nuua”-nik nalunaarsoqqasoq, Assamit “Illernat”-nik ateqartutut naqqiissutigineqarsimavoq.



- Ikertuup qinnguani kujallermiittoq Miaggoq sorpiamiinnersoq paasiniarneqassaaq.
- Sarfannguit akianniittoq nuuk “Qammagarsuit”-nik ateqartutut nalunaarutigineqarsimasoq sooq taamatut ateqarnerisooq paasiniarneqassaaq. Arlaannik qammaanermut attuumassuteqarnerisooq imaluunniit qammakkat pineqarnerisut paasiniarneqassaaq.
- Anton Inuusuttumut apequtigisassaaq:
 - Nassuttuumiittoq kangerluk “Nassuttuutaa”-nik atilik kangerluup isikkua pequtigalugu taamatut ateqarnerisooq paasiniarneqassaaq, taannalu aallaaviusimangippat suna ateqatigineraa paasiniarneqassalluni.
- Geertheeraq Dahlimut apequtigisassaaq:
 - Itillip avannaatungaaniittoq qeqertaq nalunaarsugaataareersuni “Ivissugartuunnguaq”-mik nalunaarsugaatigineqartoq, David Johansenimit “Ivissuaartunnguit”-nik ateqartut naqqiissutigineqarpoq Geertheeraq Dahlimillu “Ivissuartaunnguaq”-mik ateqartutut oqaatigineqarluni. Sorleq eqqortuunersooq sunalu pillugu taamatut ateqarnerisooq paasiniarneqassaaq.
- Tobias Olsenimut apequtigisassat:
 - Qeqertat nalunaarsugaataareersuni “Ikertuup Siorarlii”-nik ateqartut, David Johansenimit Tobias Olsenimillu “Illulissuup Siorarlii”-nik ateqartutut naqqiissutigineqarput Assa Enoksenimillu “Illulissuup Sallii”-nik ateqartutut nalunaarutigineqarlutik. Sorleq eqqornerisooq paasiniarneqassaaq.
 - Nunaqarfiusimasup Saqqap kitaaniittut qeqertat nalunaarsugaataareersuni “Siorarliit”-nik nalunaarsugaataasut, Jafet Davidsenimit Tobias Olsenimillu “Saqqat Siorarlii”-nik ateqartutut naqqiissutigineqarput. Nunaqarfiusimaoq Saqqamik ateqarmat “Saqqat Siorarlii”-unatik “Saqqap Siorarlii”-nik ateqarnerisut paasiniarneqassapput.
 - Uummannaarsuup kujatinnguaniittut qeqertat nalunaarsugaataareersuni “Ivissuartaatut”-nik nalunaarsugaatigineqartut, Akisooq Olsenimit, Ulrik Lennertimit Tobias Olsenimillu “Ivissugaartut”-nik ateqartutut naqqiissutigineqarput. Sorleq eqqornerisooq sunalu aallaavigalugu taamatut ateqarnerisut paasiniarneqassapput.



- Uummannaarsuup kitaatunginguaniittoq qeqertaq Seth Berthelsenimit
“Aallaaniarfiup Killinga”-nik ateqartutut nalunaarutigineqarsimasoq, Tobias Olsenip
Aallaaniarfiup suanik taasimaneraa paasiniarneqassaaq.

- Christian Lennertimut apeqqutigisassaaq:

- Sisimiut timaanni qoorumiittoq taseq “Alanngoralaap Tasia”-nik ateqartutut
nalunaarutigineqarpoq. Nalunaarsugaatitsinni Alannagorammik ateqartumik
nalunaarsugaateqannginnatta, Alanngoralak sorpiamiinnersoq paasiniarneqassaaq.

Nalunaarsoqqammisat, naqqiissutit akuerineqanngikkallartullu saniatigut nunat aqqi **596**-it
Mapinfomi inissaannut inissilluarneqarputtaa.

Sisimiut eqqaa pillugu ataatsimiinnermi nunat aqqi marluk naliliivigisassat minittoorneqarsimasut
tulliani ataatsimiinnissami aalajaviigineqassartussat ukuupput:

- Exel-filimi nr. 850: Aallaaniarfiup Killinga (SB), Aallaaniarfiup Kill
- Exel-filimi nr. 911: Naajarsuit Qeqertaat(SO), Naajarsuit Qeqertaralaa(AD)

6. pillugu -

--

Carl Chr. Olsen
Siulittaasoq

Lisathe M. Kruse
Allatsi